

入壘遂為賊所圍軍衆悉漏城空之將軍迷不知所如○如原作知據一本改時日暮踰垣欲逃爰方名君妻歎曰
 慷慨為蝦夷將見殺○中略乃酌酒強之飲夫而親佩夫之劔張十弓令女人數十俾鳴弦既而夫更起之
 取伏仗而進之蝦夷以為軍衆猶多而稍引退之於是散卒更聚亦振旅焉擊蝦夷大敗以悉虜

〔日本書紀齊明二十六〕四年四月阿倍臣闕名率船師一百八十艘伐蝦夷鰲田淳代二郡蝦夷望怖乞降於是

勒軍陳船於鰲田浦鰲田蝦夷恩荷進而誓曰不為官軍故持弓矢但奴等性食肉故持若為官軍以儲
 弓矢鰲田浦神知矣將清白心仕官朝矣仍授恩荷以小乙上定淳代津輕二郡郡領遂於有間濱召聚

渡島蝦夷等大饗而歸五年三月是月遣阿倍臣闕名率船師一百八十艘討蝦夷國阿倍臣簡集飽田

淳代二郡蝦夷二百四十一人其虜三十一人津輕郡蝦夷一百十二人其虜四人膽振鉏蝦夷二十人

於一所而大饗賜祿贈振鉏此云伊浮梨婁陸即以船一雙與五色綵帛祭彼地神至肉入籠時問菟蝦夷膽鹿島菟

穗名二人進曰可以後方羊蹄為政所焉肉入籠此云之梨姑問菟此云塗昆字菟穗名此云隨膽鹿

島等語遂置郡領而歸

〔續日本紀元明四〕和銅二年三月壬戌陸奧越後二國蝦夷野心難馴屢害良民於是遣使徵發遠江駿河

甲斐信濃上野越前越中等國以左大弁正四位下巨勢朝臣麻呂為陸奧鎮東將軍民部大輔正五位

下佐伯宿禰石湯為征越後蝦夷將軍內藏頭從五位下紀朝臣諸人為副將軍出自兩道征伐因授節

刀并軍令七月乙卯朔以從五位上上毛野朝臣安麻呂為陸奧守令諸國運送兵器於出羽柵為征

蝦狄也丁卯令越前越中越後佐渡四國船一百艘送于征狄所八月戊申征蝦夷將軍正五位下

佐伯宿禰石湯副將軍從五位下紀朝臣諸人事畢入朝召見特加優寵

〔續日本紀元正八〕養老四年九月丁丑陸奧國奏言蝦夷反亂殺按察使正五位上上毛野朝臣廣人戊

寅以播磨按察使正四位下多治比真人縣守為持節征夷將軍左京亮從五位下下毛野朝臣石代為

副將軍軍監三人軍曹二人以從五位上阿倍朝臣駿河為持節鎮狄將軍軍監二人軍曹二人即日授